



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 7. Responsum Catholicorum Constantinopolitanorum ad Concilium datum.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. A. C. 431. *tibi expediat, dubitabis? sex millia dixi, illis quoque comprehensis, qui Metropolitibus subordinantur. Hoc collimabat ad impetrandum mandatum, quo Episcopi venire juberentur; & venient aliqui, a Concilio missi, qui gesta narrabunt. Respondit Imperator: Bene dixisti. Ora pro me! Scio, Imperatorem Deum timere, & sacro Concilio favere; perversis hominibus aures ultra non dabit. Ergo pro Imperatore, & pro nobis orate! Populus Constantinopolitanus exclamavit: Anathema Nestorio!*

§. VII.

Responsum Catholicorum Constantinopolitanorum ad Concilium datum.

Conc. Ephes. p. 782. Imperator igitur utriusque partis Episcopis, nempe S. Cyrilli, & Joannis Antiocheni, mandavit, ab urbe Epheso, quos vellent, delegarent, qui se Constantinopoli, quis rerum status esset, edocerent. Mandatum istud ad Comitem Joannem directum, & interim S. Cyrillo, & Memnoni in carcere manendum erat. Simul Episcopi, qui Constantinopoli erant, numero septem, Concilii Patribus responderunt, data Epistola 20. Mezori, Indictione 15. id est, 13tia Aug. anno 431. Gratulantur, quod ipsis datum sit, pro

p. 772.

pro bona causa pati. Paratos se dicunt, vel Constantinopoli remanere, vel Ephesum proficisci, si Concilium jubeat. Aliam Epistolam ad Concilium dedere Clerici Constantinopolitani; initio hujus Epistolæ visuntur nomina: *Dalmatius, Tigrius, Samson, & Maximianus*, qui erant inter Presbyteros præcipui. *Epistolam vestram, ad Imperatorem directam, inquirunt: & quæ de Nestorii Depositione agit, coram omnibus recitari jussimus. Totus nobiscum populus probavit, acclamavit. Laudibus vestris omnia insonuere. Jamrogamus, ut ad separandam Ecclesiam Constantinopolitanam animos intendatis, hoc enim unicum vobis faciendum restat, scilicet, ut Episcopum Civitati nostræ ordinetis.* Dalmatius, Presbyter Archimandrita, & Monasteriorum Pater, primus subscripserat, nihilominus suo etiam nomine ad Concilium scripsit, & gratulatur reportatam de Hæresi victoriam. Alypius quoque, Presbyter Apostolorum, hac super re ad S. Cyrillum dedit Epistolam, eumque ut Confessorem, & Martyrem honorat. In fine subjungit: *Candidianus Diaconus, qui has tibi reddet, omnia, quæ hic contigerunt, narrabit; dicet, quæ gessimus, quam libere, & pia audacia pro veritate locuti fuimus.*

Sæculum V.
A.C. 431.

p. 755.

Coll. Baluz.
p. 653.
Conc. Ephes.
p. 785.

§. VIII.